



Naaja Nathanielsen
Inatsisartunut ilaasortaq

/Maani

§ 37 naapertorlugu apeqquteqaammut nr. 27-imut akissut

Naalakkersuisut 11. februar 2015-imi Inatsisartut suleriaasianni § 37 naapertorlugu Inatsisartunut ilaasortamit Naaja H Nathanielsenimit apeqquteqaammik tigusaqarput.

Akissut apeqqutigineqartut kingornatungaanniipput.

1.

Inatsisilerinikkut akornutissaqarpa Nuna Minerals-ip aningaasat attortugaasa utertinnissaannut piffissaliussap sivitsorneqarnissaanut?

NunaMinerals aamma Namminersorlutik Oqartussat akornanni isumaqatigiissutigineqarnikuuvoq taarsigassarsianut atugassarititat naapertorlugit taarsigassarsiat kingusinnerpaamik 31. januar imaluunniit tamatuma kinguninngua ulluinnarmi siullermi taarserneqarsimassasut. Taartissat piffissaq eqqorlugu taarserneqanngippata ingerlatseqatigiiffik periarfissaqarpoq aningaaseriviit ammasarfii aallaavigalugit ullut arfineq marluk ingerlanerani taarsiinissaminut, taamaattoqanngippat akilleeqqusissummik nassitsisoqassaaq.

Taarsiinissamut piffissarititaasup qaammatinik marlunnik kinguartinneqarnissaanik allakkatigut qinnuteqaammik Naalakkersuisut tallimangorneq 30. januar tigusaqarput.

Taarsiinissamut piffissarititaasup kinguartinneqarnissaanik aalajangernissaq Naalakkersuisut piginnaatitaaffiisa avataaniimmat suliarineqaaqassaaq tamatumalu kingorna aamma Naalakkersuisunit akuerineqartussanngortinneqassalluni naggaterpiaatigullu Aningaasaqarnermut Akileraartarnermullu Ataatsimiititaliamit akuerineqarluni. Suliaq piffissaq sivisooq atorlugu suliarineqartariaqarpoq, taarsiinissamillu piffissarititaasup 31. januarisup naannginnerani naammassineqarsinnaasimanani.

Inatsisit tunngavigalugit taarsiinissamut piffissarititaasup kinguartinneqarsinnaanissaa ajornanngikkaluarpoq, sulialli suliarineqarnissaa eqqarsaatigalugu piffissaliussap kinguartinneqarsinnaanissaanut Naalakkersuisut piginnaatinneqarsimanngillat, soorluttaaq piffissarititaasup kinguartinneqarsinnaanissaanik saaffiginnissut suliarineqarsinnaasimanngitsoq.

2.

Naalakkersuisut uppersarsinnaavaat aningaasaleerusuttumit isumaqatigiinniutaasinnaasumik tunniussisoqarsimasoq ullulikkamik 7. Februar2015?

Uppersarsarlugu oqaatigineqarsinnaavoq saaffiginnissutit arlalissuit piffissap ingerlanerani tiguneqartarsimmata, tassunga ilaallutik allakkat arfininngorneq 7.

25-02-2015
Suliap normua 2015-111300
All. nr. 1860645

Postboks 101
3900 Nuuk
Oqarasuaat (+299) 34 50 00
Fax (+299) 32 50 02
E-mail: govsec@nanoq.gl
www.naalakkersuisut.gl

februarimik ullulernerqarsimasut. Saaffiginnissutit saniatigut Aningaasaqarnermut Akileraartarnermullu Ataatsimiititaliami ataasinngornermi 9. februar nal. 13.00 isumasioqatigiittoqarpoq.

3.

Naalackersuisut isumaqarpat Nuna Minerals annaanniarlugu allatut aaqqiissuteqarsinnaanermut periarfissat tamaasa misissorluarsimallugit, aningaasaliisut annikinnerpaamik annaasaqarnissaat siunertarlugu?

29. januar ataatsimeersuarnermi NunaMineralsip ingerlaannarsinnaanissaanut aqqutaasinnaasumik Naalackersuisut saqqummiussipput, siunnersuulli piginneqataasunit allanit itigartinneqarluni. Taamaasilluni NunaMinerals akiliiffissap 31. januarimi naalluinnarnerani inissisimalerpoq decembarip qaammataani 2014-imi taarsigassarsiarisimasaminik taarsiinissaminut akissaqarani. Naalackersuisunit isigalugu tassaalerpoq unaasoq ingerlatseqatigiiffik ingerlataminik ingerlatsiinnarsinnaanissaminut akissaaruppoq, tassami karsi imaarummat.

Naalackersuisut nalunngisaattut NunaMinerals tigorianaannarnik aningaasaateqanngimmat taamaasillunilu ingerlatseqatigiiffiup ingerlatiinnarsinnaanissaanut aningaasaateqanngimmat, soqutiginnissinnaasut ingerlatseqatigiiffimmut aningasaliinngippata aningaasaliisimasut aningaasaataat annaaneqarput. Ingerlatseqatigiiffik december 2014-imi aningaasaqarnermigut ajornartorsioqqilermat Namminersorlutik Oqartussat kisimiillutik ingerlatseqatigiiffimmut aningaasaliisimapput. Tassunga ilanngullugu oqaatigineqarsinnaavoq taarsigassarsisitsineranut atatillugu naatsorsuutigineqarsimammat ingerlatseqatigiiffiup siunissami ingerlaannarnissaminut pilersaarummik tunniussinissaa, tamannali pisimangilaq.

4.

Naalackersuisut uppersarsinnaavaat Aningaasaqarnermut Ataatsimiititaliami Naalackersuisut Siulittaasuata tusarniaaffigineqarnerani 9. Februar periarfissanik allanik saqqummiisoqarsimangitsoq?

Aningaasaqarnermut Akileraartarnermullu Ataatsimiititaliarlu ataasinngornermi 9. februar isumasioqatigiinnginnermi Namminersorlutik Oqartussanut taarsigassarsianik matusiutigisumik akiliisinnaajunnaarnissamut pinngitsoortitsisumik toqqagassaqsamangitsoq Naalackersuisut uppersarsinnaavaat.

Inussiarnersumik inuulluaqqusillunga
Med venlig hilsen



Kim Kielsen
Naalackersuisut Siulittaasuat